

Ia 5.000 bizilagun gehiago ditu Euskal AEk 2018ko urtarrilaren 1ean

Igoerarik handiena Arabari dagokio, bai kopuru absolutuz bai portzentajez

Euskal AEko biztanleria, 2018ko urtarrilaren 1eko datarekin, 2.180.449 bizilagunek dute osatzen, aurreko urteko gorako joera mantenduz, Eustatek eginiko datuen arabera. Zehazki, 2017an baino 4.630 biztanle gehiago daude Euskal AEn, eta 2012ko zifretara hurbiltzen ari da, noiz izan baitzen biztanleriaren maximo historikoa.

Hiru lurraldeek irabazi dute biztanlerik 2017 eta 2018 artean, eta Araba da gehien irabazi duena, 1.926 egoiliar gehiagorekin, zeinak ekarri duen handiagoa izatea hango biztanleria 2012an erregistraturikoa baino, 2013 eta 2014ko jaitsieren ondoren. Gipuzkoa datorkio jarraian, 1.468 pertsona gehiagorekin, eta 2012tik duen goranzko joera mantentzen du; orotara, 8.675 biztanle irabazi ditu zazpi urte hauetan. Bizkaiko kasuan, 1.236 egoiliar gehiago badu ere, 13.472 pertsona galdu ditu 2012aren aldean, eta ondorioz Euskal AEko biztanleriak, guztira, ez du berreskuratu 2012ko muga.

Hiru hiriburuetan handitu da biztanleria 2017 eta 2018 artean, eta Gasteizen hazi da gehien, 1.561 pertsona gehiagorekin. Donostiak eta Bilbok 431 eta 413 biztanle irabazi dituzte, hurrenez hurren. Aldi zabalagoan eginez gero analisia, guztiaz ere, emaitzak ezberdinagoak dira: Bilbon eta Donostian 2009an izan ziren maximo historikoak; handik aurrera beherakada etengabea eduki du Bilbok, 12.246 biztanle gutxiagorekin azken bederatzi urteotan. Donostiako biztanlerian gorabeherak izan dira, baina emaitza da ezen 2009aren aldean 1.585 egoiliar gutxiago dituela. Gasteizko kasuan, 2013 eta 2014an izan ezik, biztanleriak gora egin du beti, eta 2018an lortu du egoiliar-zifrarik handiena, 243.815, zeina den 2009an baino 9.074 biztanle gehiago.

Euskal AEko gainerako udalerrietan ez da biztanle-aldakuntza nabarmenik gertatu 2017 eta 2018 artean. Halatan, Amorebieta-Etxanok irabazi du biztanle gehien, 208 pertsona gehiagorekin, %1,1 izan dena. Portzentaje txikia ere, baina kontrako norabidean, izan du Getxok, udalerria non kopuru absolutuan biztanle-jaitsierarik handiena gertatu den, 263 bizilagun.

2008 eta 2018 artean Basaurik, Getxok, Portugaletetik, Santurtzik eta Sestaok 1.000 biztanle pasa galdu zuten, orotara 10.815 biztanleko galera. Denak Bilbo Handiko udalerriak dira, eskualdea non dauden Euskal AEn biztanle-dentsitaterik handiendun udalerriak, km karratuko 5.000 pasa; Portugaleten da maximoa, 2018an, 14.506 biztanlerekin km karratuko.

Eboluzio negatibo hori Bilbo Handiko eskualdean errepikatzen da, zeinak galdu baititu 14.052 biztanle azken 10 urteetan; aldiz, Arabako Lautadak 13.918 irabazi ditu aldi berean.

1. taula. Euskal AEko biztanleak, lurralde eremuen arabera, adin talde handiei jarraiki

	Guztira	0 - 19		20 - 64		>= 65	
		Kopurua	%	Kopurua	%	Kopurua	%
Euskal AE	2.180.449	400.409	18,4	1.300.665	59,7	479.375	22,0
Lurralde historikoak							
Araba/Álava	325.518	63.130	19,4	195.775	60,1	66.613	20,5
Bizkaia	1.140.662	199.883	17,5	684.503	60,0	256.276	22,5
Gipuzkoa	714.269	137.396	19,2	420.387	58,9	156.486	21,9
Hiriburuak							
Bilbao	342.810	55.464	16,2	205.494	59,9	81.852	23,9
Donostia / San Sebastián	180.989	30.858	17,0	107.307	59,3	42.824	23,7
Vitoria-Gasteiz	243.815	47.062	19,3	146.651	60,1	50.102	20,5
Eskualdeak							
Arabako Ibarak / Valles Alaveses	6.075	1.046	17,2	3.736	61,5	1.293	21,3
Arabako Lautada / Llanada Alavesa	261.289	51.032	19,5	157.520	60,3	52.737	20,2
Arabako Mendialdea / Montaña Alavesa	3.013	436	14,5	1.753	58,2	824	27,3
Arratia Nerbioi / Arratia-Nervión	23.805	4.736	19,9	14.262	59,9	4.807	20,2
Bidasoa Beherea / Bajo Bidasoa	76.627	14.614	19,1	45.569	59,5	16.444	21,5
Bilbo Handia / Gran Bilbao	857.343	145.146	16,9	513.811	59,9	198.386	23,1
Deba Beherea / Bajo Deba	55.579	10.631	19,1	32.130	57,8	12.818	23,1
Debagoiena / Alto Deba	63.068	11.948	18,9	36.578	58,0	14.542	23,1
Donostialdea / Donostia-San Sebastián	325.889	59.116	18,1	193.232	59,3	73.541	22,6
Durungaldea / Duranguesado	99.230	19.275	19,4	59.741	60,2	20.214	20,4
Enkartzioak / Encartaciones	31.806	5.666	17,8	19.262	60,6	6.878	21,6
Errioxa Arabarra / Rioja Alavesa	11.527	2.393	20,8	6.769	58,7	2.365	20,5
Gernika-Bermeo	45.845	8.386	18,3	26.957	58,8	10.502	22,9
Goierrri	68.088	14.122	20,7	39.394	57,9	14.572	21,4
Gorbeia Inguruak / Etribac. del Gorbea	8.791	1.860	21,2	5.347	60,8	1.584	18,0
Kantauri Arabarra / Cantábrica Alavesa	34.823	6.363	18,3	20.650	59,3	7.810	22,4
Markina-Ondarroa	26.115	4.615	17,7	15.386	58,9	6.114	23,4
Plentzia-Mungia	56.518	12.059	21,3	35.084	62,1	9.375	16,6
Tolosaldea / Tolosa	48.969	10.512	21,5	28.489	58,2	9.968	20,4
Urola-Kostaldea / Urola Costa	76.049	16.453	21,6	44.995	59,2	14.601	19,2

Iturria: Eustat. Biztanleen udal estatistika. 2018/1/1

Euskal AEko 34 udalerritan 65 urte edo gehiagokoak guztizkoaren laurden pasa dira

2018an Espainian 65 urte eta gehiagoko pertsonak %19,2 dira; Euskal AEn, %22, baina badira beste komunitate autonomo batzuk %24tik gorako portzentajeak dituztenak, nola Asturiasko Printzerria, Gaztela eta Leon eta Galizia. Europarekin konparatuta, Italia bakarrik dago Euskal AEko proportzioaren gainetik, hiru hamarren bakarrik hala ere. Sexua kontuan hartuz, emakumeen artean %24,6 dira 65 urte eta gehiagokoak, eta %19,2 gizonezkoen artean.

Euskal AEko batez besteko adindunen portzentajearen gainetik 85 udalerrri daude; 166, portzentaje berean edo azpitik. Lehenengoen artean Bilbo, Donostia eta Barakaldo daude, zeinek duten Euskal AEko guztizko biztanleriaren %29,0. 2008an, batez bestekoaren gainetik portzentajeak zituzten udalerrriak askozaz gehiago ziren, 135. Halaber, bi daten artean 61 udalerrri daude non txikitu egin baita proportzioa 65 urte baino gehiagokoena, baina udalerrri horietan biztanle guztien %2,2 bakarrik bizi dira.

Bada alderik udalerrrien artean egoiliarren adinari doakionez eta, zehazkiro, 65 urte eta gehiagokoaren portzentajearen: Irurako %9,9tik Haranako %39,0ra. Aipaturikoaz gain, beste lau udalerrri daude %12ren azpitik: Larraul, Alegría-Dulantzi, Iruña Oka eta

Arakaldo; denon artean 6.938 biztanle dituzte guztira. Bestalde, hiru udalerri daude %30en gainetik: Harana, Lagran eta Elantxobe; hiruren artean, orotara, 777 egoiliar dituzte.

Eskualdeetan, nabarmengarria da Arabako Mendialdean den adindunen proportzio altua, guztizkoaren %27,3, eta ondoren Markina-Ondarroa dator, %23,4rekin, eta jaisten da portzentajea Plentzia-Mungiako %16,6raino.

85 urte eta gehiagokoak %2,2 ziren 2008an eta %3,7 2018an; igoera hori, ordea, ez da antzera banatzen emakumeen eta gizonen artean. Hala, gizonen kasuan ehuneko 1,1 puntutan egin du gora 10 urte hauetan eta, emakumeenean, 1,8 puntutan. Ondorioz, 85 urte edo gehiago dituzten emakumeak Euskal AEn guztizkoaren %5 dira, baina gizonen kasuan %2,4ra da jaisten ehunekoa. 100 urte eta gehiagokoen kasuan, prozesua biziagoa izan da: 2008an 364 pertsona zeuden egoera horretan eta hamar urte geroago 669 dira; %84,3, emakumezko.

Euskal AEn 65 urte eta gehiagoko 1,5 pertsona daude 16 urtetik beheragoko bakoitzeko; Espainian, guztira, 1,2koa da ratioa. Asturiasko Printzerriko erlazioetik urrutira gara oraindik, hor 2,1ekoa baita.

Erlazio horren gainetik 68 udalerri dira. Kasu batzuk muturrekoak dira, nola, adibidez, Harana (6), Lagran eta Elantxobe (4 pasa biok). Kontrako aldean Irura, Baliarrain, Larraul, Alegría-Dulantzi, Arakaldo eta Alkiza dira, zeinek 15 urte bitarteko 2 gazte baino gehiago baitute 65 urte edo gehiagoko pertsona bakoitzeko.

Arabako udalerrietan ditugu muturreko kasuak adinaren arabeko biztanle-banaketan, batez ere tamaina txikiagatik eta migrazioa bezalako fenomenoek banaketan duten eraginagatik.

Informazio gehiagorako:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1 01010 Vitoria-Gasteiz

Prentsa-zerbitzua: servicioprensa@eustat.eus Tlf: 945 01 75 62